

尊小學齋集

甲申春莫桐城
黃雲書

圖



尊小學齋詩集目錄

詩

題江南鐵淚圖

和湯雨生先生殉節詩

題葛葆之撫心圖

題楊雅平秋夜讀書圖

題齊玉谿見聞隨筆

題蘇屬國海上牧羊圖

樂

敬

尊小學齋集

目錄

讀康節邵先生擊壤集題後

答徐燕謀大使

田家樂

冬夜暗坐

匪莪感

過葛葆之且閒齋偶成

觀釣偶成

答粵西劉君見贈原韻

庶幾堂偶吟

讀詩經題後



高貞烈女詩

贈姚渡雲先生

小游仙詞

謁海烈婦墓

祝陳嗜梅先生七十

壽徐蘭畦先生五十

別世詩

詩餘

庶幾堂今樂題詞

江南鐵淚圖

尊小學齋集

目錄

逆箴鴟張生民塗炭

羣凶淫掠玉石俱焚

四野流離轉填溝壑

江頭爭渡滅沒洪濤

白頭父母哭望兒孫

黃口孤兒哀尋父母

義民殺賊奮勇拚身

烈女完貞甘心碎首

華屋良田鞠爲茂草

圖書古玩盡委泥沙

耕織乏具坐困無聊
賣男鬻女臨別牽衣
枵腹臨盆產嬰棄水
負母逃生孝子避地
携孤覓食節婦呼天
草根挑盡樹皮剝光
雪夜冰天死叵枕藉
冲風冒雨泥水淋漓
鵠面鳩形迎風倒斃
鷄棲蝟縮牆角哀吟
剜肉補創破屋拆賣
羅雀掘鼠人肉爭售
蔓草荒煙虎狼日暹
恩詔頻頒萬民感泣
憲仁撫卹行路涕零
水火出離重見天日
脅從遣散各返家鄉
牛種有備惠及耕夫
機杼代謀歡騰織婦
創鉅痛深前車共凜

恐懼脩省劫海同超
鄉約重興宏宣教化
樂章再正共慶昇平

尊小學齋集

目錄

四

尊小學齋詩集一

無錫余治蓮邨

題江南鐵淚圖

愴懷南望涕滂沱滿目瘡痍喚奈何千里鶯花悲劫海六朝金粉渺煙蘿衣冠江左風流盡名勝吳中感慨多無限傷心眼前事忍教對景一描摩

我亦江南舊難民頻年避地困風塵鴿原已抱三生恨虎口徒留多累身殺賊有懷空按劍濟饑乏術愧傳薪告哀聊假傳神筆倘遇仁人爲指囷

和湯雨生先生殉節詩

尊小學齋集

詩集

粵逆肆狂日先生致命秋風騷韜偉略忠義炳貽謀玉茗聲華遠金陵血淚收林泉遺老夥誰似寓公尤

先生原籍金陵僑寓

金陵

忠義家風在天人敢怨尤志爭池水潔力竭陣雲收白髮完臣節丹心抗燕謀耆儒原宿將絕筆豔千秋

題葛葆之撫心圖

予於乙己歲識君顧宅經鋤居一見心契聆其緒論如明鏡懸空物來畢照心竊傾之自是過從益親風晨雨夕時以克己反求爲勗性好古不隨俗而熱腸偉抱妙用裁成蓋其心所獨得有深焉者

也君長子十二歲予以兄事之今年五旬餘矣而
精氣內充神觀外朗所養益粹予倩華聲甫爲君
寫照君笑曰子寫我貌能寫我心乎遂囑作撫心
圖子昧於心學終日營營不堪自問今披是圖覺
怦然動而慙然愧君教子矣用題數語以誌心契
偉然者其貌怡然者其神渾然者其度炯然者其心本仙
翁之苗裔宜其得頤養之真所由鍊神鍊氣圖成撫心經
旁觀之推測徵素抱於丹青子曰否否惟君知我惟我知
君君有卓識有深情少年則力學以求養志晚歲則樂育
以廣裁成棘闈屢薦兮文章憎命青氈一片兮藝苑持衡

尊小學齋集

詩集

二

脫名韁與利鎖破一笑于浮雲白鶴兮雲中矯矯朱霞兮
天半盈盈杼雅懷於尺素證明月於寸靈功以反而愈密
學以刻而彌醑惟君知我惟我知君是蓋不必采丹砂于
勾漏而獨能追心法于孔門者吾安得不傾倒于斯人

題楊雅平秋夜讀書圖

幽齋獨坐午風輕密咏恬吟樂性情知否碧桃花樹下有
人愛聽讀書聲

放眼瑯環萬象幽滿庭花鳥紀春秋素書一卷懷千古肯
入人閒第二流

爐香茗椀伴居諸靜裏乾坤味有餘物外閒身塵外境俗

氛何自染襟裾

元亭載酒我無緣一點冰心月印川今日展圖笑相視林
花澗水兩悠然

題齊玉谿見聞隨筆

忽傳杖履來江上捧到瑤章感客中十載空勞懷舊雨一
朝何幸挹春風新編示我欣同調名教如君大有功意氣
元龍休嘆老相期振筆答蒼穹

題蘇屬國海上牧羊圖

仗節強胡十九年吞膾嚙雪總安然臣心拚老狼河北一
任悲筋咽暮烟

尊小學齋集

詩集

三

樂

紛華掃退性吾情外樂何如內樂真理義悅心衷有得窮
途安分道常伸曲肱自得宣尼趣陋巷何嫌顏子貧此意
相關禽對語濂溪庭草一般春

敬

進惠功夫那處尋常惺惺地主吾心精神收斂天常在氣
象森嚴帝實臨文若在宮先致肅堯雖至聖尙能欽帝王
心法皆由此學者還須用力深

讀康節邵先生擊壤集題後

先生非是夢吟詩

先生原句

此意難教俗士知一樣寄情閒筆

墨有關風教便堪思
月到風來見道心
天機偶觸便高吟
古來多少論詩者
誰是先生用意深
答徐燕謀大使

南茗香火憶前緣
曾誦清芬世
真傳佛子心
腸豪傑氣聊
將餘技作詩仙
琴堂快晤故人來
話舊龍山首
重回無限離情時
事迫一編捧讀我懷開

田家樂

百歲光陰如轉軸
世事真同棋一局
伊誰留得太古春
惟尊小學齋集

詩集

四

有田家頗不俗
臨溪小築兩三間
子孫世世先疇服
鑿我井兮耕我田
那管升沉與榮辱
東家田西家屋
笑等浮雲空過目
年年禾稼幸豐收
秋月春風自往復
有時雨過聽鳴蛙
有時泥滑輕驅犢
一犁耕破隴頭雲
依稀映得蓑衣綠
送斜陽迎朝旭
自行自止無拘束
偶然興至輒高歌
無板無腔信口續
看雲霞怡松竹
翺游何必曲江曲
相逢閒坐話桑麻
太息勞人空鹿鹿
日出聞鳴鳩
日入隨歸牧
老妻弱子共團圓
酣眠一枕羲皇足
一朝萬寶慶
登成西疇處處香
杭熟竭得終歲勤
收得幾倉穀
葵葵社鼓走村翁
吹豳共鼓康衢腹
但見家家扶醉人
喜無悍吏來驅逐
快

哉此樂非等閒吾安吾業矢勿告况今幸值堯舜時萬年
永享太平福

冬夜暗坐

焚膏屢盡暗傷神執卷空勞遠室巡螢火已隨秋影去雪
花未共朔風勻屋簷可讀偏無月壁隙雖穿恰少鄰自愧
此生多缺憾算來只有志非貧

匪菽感

辛勤撫育溯當年念到劬勞涕泗漣乞乳每聞拚力作持
家屢見費憂煎半生荼蓼甘心集百戰冰霜鍊骨堅回首
惟增風樹恨不堪爲子罪通天

尊小學齋集

詩集

五

菽水多虧每減餐傷心提起恨千端拚將十指資膏火幾
爲瓜兒挖肺肝空有癡情分薄祿慚無長物効承歡征衣
線迹依然在手澤猶新未忍看

過葛葆之且閒齋偶成

年來猿馬苦紛拏千里馳驅日易斜到此頓令塵氣滌一
爐香滿究南華

相對無言學坐忘靜中各自證行藏素心况味伊誰解爲
奉南屏一瓣香

觀釣偶成

潛跡深淵幾度秋何人忽把釣竿投天機活潑無拘束纜

有貪心僂上鈎

答粵西劉君見贈原韻

朵雲捧到庶幾堂風教知君肯主張人似朱霞來百粵詩
傳白雪冠初唐移情俯聽歌三疊入世同憐夢一場願得
指迷頻顧誤不愁前路苦茫茫

萬緣都付一爐香懶共詩人作和章譜曲我增千古慨濟
時君裕百金方情懷差許同聲訂面目應嗤此老狂倘得
同心扶大局會看風教播遐荒

庶幾堂偶吟

半生心事未全灰野曲村歌唱幾回老我面皮三寸厚願

尊小學齋集

詩集

六

他輩曠一齊開頭銜自詡班頭署腳色誰爲獨腳倍但得
國中多屬和巴人一笑卽登臺

自憐措大學風狂敢謂投時對病方醒世聊開新局面移
情不得舊冠裳好憑鞞部分褻貶那管周郎話短長試與
臨風歌一闋杞人幾繞九迴腸

讀詩經題後

一言以蔽本分明三百篇中想正聲底事騷人多聚訟性
靈格律苦相爭

高貞烈女詩

乾坤正氣誰撐持蛾眉隻手能扶之貞魂凜凜死不駁留

與頑懦爲良師高氏有女賢且淑蘭心蕙質含芬馥鳳卜
當年叶晉陽御輪方擬迎朱轂茫茫大造難推求所天忽
作遊仙遊前監忍以存亾易崩城一慟天爲秋嗚呼此生
長已矣斂衣永夜親料理誓將尺組殉重泉紛紛奔救誰
知己整衣再拜慰所生將歸白壁完吾貞豈無行權善處
者人各有志難爲更黛痕愁鎖眉峰碧一點冰心拚化石
宛轉柔腸百鍊鋼堅貞勁節千尋柏秋風颯颯起羅幃不
向西山採薜薇璇閨十日水漿絕龍峯一夕嚴霜飛世故
靡靡堪太息挽回誰具千鈞力百全之行豈偶然完人今
乃覩巾幗伊古女烈比臣忠丹心浩氣萬古同我聞忠憲
尊小學齋集

詩集

七

當明季從容止水完匪躬迄今大節播人口剩有芳型貽
厥後後先輝映炳丹青忠烈聲名齊不朽

贈姚渡雲先生

事業滿天壤惟在人力爭誰云大厦圯一木難支撐荅圩
古澤國所恃堤如城積久漸隳壞潰決勢幾傾去夏水橫
溢彌望如滄瀛堤危僅一綫浪激撼欲平圩田三萬畝四
顧愁雲橫農民極呼籲局外誰關情先生饑溺切目擊心
怛怛謂此全圩命所係良匪輕不恤苦口告善士同聲廣
來圩親部署代振以工程築堤與圩澇竭蹶先羣氓一旦
水勢滅天意感精誠因之得蒔插乃粒歌坻京今歲重見

辱鷗鷺笑相迎鳩工不日集決志填淵泓

沿堤有港名五茅河爲堤工要

害先生鳩工填之成爲田徙薪先曲突思患防其萌從此苞桑鞏黃犢

趁春耕父老共額手預卜年豐盈此功果孰並前與文襄

衡千秋兩不朽請與金石盟長歌當私祝四野春風生

小游仙詞

壬子白門秋試時作於寓齋

五雲深處小徘徊慾海紛飛萬劫灰知否仙家無限樂與

君約略話蓬萊

蓬萊高會列瓊仙玉質冰肌計萬千爲問何時脫凡骨笑

看海屋不知年

花鈿掩映想喬妝眞箇魂銷入洞房說甚巫山羨雲雨始

尊小學齋集

詩集

八

看來是臭皮囊

拔宅飛昇得少安胡麻飯熟勸加餐侍兒也享清閒福羽

帔霞冠倚玉鸞

金爲宮闕玉爲階自在逍遙處處佳底事清脩不耐苦未

甘靜掩半扉柴

營營終日鑿膏粱海錯山珍味飽嘗可識仙廚肴饌異龍

肝鳳髓只家常

蟠桃熟後綺筵開玉液瓊漿勸飲來厭否凡醪能亂性興

當濃處且停盃

破衲年年手自縫甘心冷淡守孤踪一朝仙骨重新換鶴

整翩翩駕六龍

漫把恩仇抵死分自家功侯自家勤一朝丹鳳啣書到足

底能生萬里雲

鶴館龍璫韻最清鈞天一闕善移情箏琶凡響何堪和漫

詡秦淮絲竹聲

名流金石詡珍藏劫火千秋總渺茫何似瑤京多古本赤

文綠字邁羲皇

蠅頭何事苦紛爭累劫難填慾壑盈小試點金粗手段笑

看黃白亂縱橫

九品官階甲第分金章紫綬豔傳聞可知天上真靈位列

尊小學齋集

詩集

九

坐瓊霄捧朵雲

光陰閃電只須臾莫恃瑰奇七尺軀怎似神仙能鍊骨萬

年長此臉生朱

朝歡暮樂不知愁楚楚衣裳幾度秋待到桑田成海日可

憐玉石共沉浮

長生風味幾人知瑤草琪花供養時入手工夫須澹泊未

妨努力斬貪癡

是誰種得火中蓮跨鳳乘龍策玉鞭脩到幾生無別法好

將猿馬自牢拴

鍾離昨夜晤瑤京太息迷迷困宿醒一覺黃梁誰夢醒再

將仙枕付盧生

笑對洪崖爲拍肩童顏鶴髮態翩翩補天浴日渾閒事何
惜勤勞數十年

黍珠一粒幾人知默默垂簾何所思瞎地一聲天眼見群
仙拱手笑迎時

坤轉乾旋想逆流陰陽顛倒幾時休一中守定無爲法笑
指人生水上漚

謁海烈婦墓

玉質長埋古驛旁錚錚立節美姬姜毘陵道上穹碑在一
死千秋骨亦香

尊小學齋集

詩集

十

祝陳嗜梅先生七十

老人星正耀江濱杖國爭迎懷葛民霽月光風澄雅抱鑑
香茗椀健吟身恩推飢溺情彌篤世閱滄桑氣更新最是
難辭朋舊愛都來散作十分春

紅羊劫最慘嘉湖耆舊天留理不誣海內名高推鶴立茗
南人瑞看鳩扶十年長我叨心契五福如君仰惠符鞠踞
躋堂慚獨後葵忱略展效吳歛

壽徐蘭畦先生五十

錫山佛院於 聖賢誕日有兩度梅開之異先生
適開五袞之筵卽以誌先生禮拜聖經之符瑞云

一瓣心香屬聖經獨從名教闢畦町精誠所結天心見數
點梅花播蕙馨

春風化雨舊栽培滿院清芬次第開宛向聖賢效華祝尼
山鄒嶧兩徘徊

英雄烈士宰官身掛印歸來獨養真佛子情懷儒面目拈
花一笑四時春

層疊慈雲蔭大椿一堂樂事叙天倫果成早把黃梅孰信
到南枝證夙因

我本迂疎一蠢材深蒙心契兩無猜爲君獻壽無他說昨
夜春從寒谷回

尊小學齋集

詩集

七

奇萼呈祥淡閒濃色馨香味妙重重本來一物原無有轉
語今朝看箭鋒

別世詩

六十餘年轉眼中蜉蝣身世古今同推遷大化終歸盡畱
取靈光照太空

大恩未報痛如何三復義詩負罪多菽水承歡慚子職望
雲空自涕洟沱

半生竊抱杞人憂底事嘵嘵話不休以瞽導矇應自笑自
家苦海未回頭


二泉山下一寒儒阿堵羞言守故吾差幸此中無掛碍阮

囊畢竟一文無

尊小學齋集

詩集

七



尊小學齋集

詩集

七

尊小學齋詩集二

庶幾堂今樂題詞

蒿日首頻搔歎人生大劫遭老蒼架起無情炮夫戲場饒騰霄赤緊的搖山震谷崑岡烈火一齊燒風蕭蕭雨飄飄鬼哭神號羽書絡繹心如擣豈尙能苦中作樂效山人伎倆持簡板把漁鼓輕敲不過是草野臣一片心半生來杞憂竊抱到今朝不忍瞧平白地自尋煩惱把今古閒愁一擔挑獨無奈樗散材不合時宜頗不耐趨投熱鬧只合與二三父老話桑麻吹幽擊壤私念感皇朝想我今朝開

尊小學齋集

詩餘

一

國來舜日堯天那一代不是聖明有道二百年承平日月吾宗吾祖那一箇不同被恩膏卽如今我皇上待爾曹也算得如天浩浩同怙冒爲甚的跳梁小醜奮螳臂忘恩負義反面做長毛最可憐愚俗人被招謠誤歸邪教癡心都想天門跳誰知他說天話父多半是胡言亂道送命殺人刀可恨他自命高滅像欺神不管你三教門頭都弄得七顛八倒聽呼號淚暗拋霎時間城門失火池魚一例受煎熬到此時鐵石人也動心誰無父母誰無妻小也應該戴天不共怎讓他殺人如草到處肆咆哮想世閒受他人一飯恩尙且思感激圖報爲師友出身犯難方不愧氣誼

投膠況且是君父恩地厚天高尤不可尋常計較只如今
國家有難還望我小百姓竭誠報効敵愾奮同袍想

皇上爲我們籌餉招兵那一日不愁腸似攪卽如那各將
帥各當道那一箇不臥薪嘗膽忠義薄雲霄只怕費用
煩度支空兵糧缺少糧臺吵不得已勸我們勤王助餉章
服待助勞有肝膽有天良極應的樹義旂爲國分憂毀家
紓難伸天討方見得百姓們報君父同心戮力熱血一腔
包最可憐守錢奴緊握雙拳生平度量胡椒小兀自的醉
醜醜盤樂怠傲幾人花底正吹簫勸捐餉勸完漕做啞裝
聾爲兒孫多作千年料豈知道米爛陳倉金藏地窖只落
尊小學齋集

詩餘

二

得天災一到子撇妻拋路迢迢背一个衣包走三徑蓬蒿
遇強梁赤條條性命依然要幸而逃顛連無告沿門抄光
景苦難描急忙忙走西東鶴唳風聲魂靈兒早已飛天表
悔當初惜財如命昧大義自把禍殃招提起來髮冲冠刀
出鞘恨不得一口氣把那賊兵掃方出我胸中氣虹霓萬
丈赤手搏靈鰲苦無奈七尺軀學劍未遑縛雞力少奮空
拳只把蒼天叫卽欲效涓埃報又無奈半生來不事生產
家徒四壁贖箠瓢只有那舌三寸筆一枝不厭勞叨苦衷
一點天堪告庶藉以貢芻蕘宣聖教化鳴鴉略挂急流篙
只指望化一人做良民幸得他南柯夢覺卽爲我 國家

少一敵薪抽釜底內患暗中消況今朝亂嘈劫共遭強
半是天下人心腸不好因此上天心震怒森羅鐵網未肯
寬饒若不是回天怒挽人心勸忠勸孝恐以後災殃未了
但願得人心轉卽天心轉太和感召賽過他虎略龍韜歎
人生數十年石火電光今朝未識明朝係糊塗塗把一生
錯過了豈不是入寶山空走一遭舌如劍筆如刀錦繡才
華到頭來難與閻王拗力拔山氣蓋世石崇豪富惟有那
臭皮囊難把光叻一寸陰一寸金看日月如梭不住的東
西繞猛回頭把手招同舟共濟劫海浪滔滔歎世人積習
深非一朝問狂瀾孰迴旣倒古文詞汗牛充棟半多覆瓿

尊小學齋集

詩餘

三

蠹魚銷學時髦自詡風流見幾多豔曲淫辭災梨禍棗美
年少習輕佻傷風敗俗人心蠱毒此中包所以俺近年來
編幾本勸世文帶病醫人也不過是管中窺豹只求他愚
蒙易曉初何敢效文人結習感憤憂牢騷兔園冊訓蒙童
信手揮毫猢猻王頭腦冬烘自吟自嘯化愚民作歌唱聊
自比候蟲時鳥無暇細推敲又嘗在鄉約檯話嘵嘵舌敝
唇焦群嗤木鐸人稱老反唇誚白眼遭總由我周身病痛
莫怪世風刁再四想沒路跑百折千迴而今只得翻新調
老著臉粗著話竊自願從梨園子弟一例混漁樵遂演出
新戲文矢口成吟把許多白雪陽春都變做常言道試看

他善有報惡有報只認定昭昭天道姑學那談諧曼倩試
偷桃演一回唱一回一任他顧曲周郎批評我南腔北調
忽而唬忽而笑耍自笑歎頭歎腦聊靠著衣冠優孟權做
一時豪悔當初瞎奔跑經幾度秋風瑁璫科名何物催人
老把有限光陰把有用精神消磨多少喜沾沾小技蟲雕
舊面目不堪描故紙蠅鑽幾上他兩個圈兒套幸而今夢
醒早硬頭皮把名韁利鎖一筆勾銷遇著那素心人把臂
邀浮大白開顏一笑笑年來獨腳登塲生涯迂拙越做越
蹊蹊話蹊蹊古樂淪亾鞠部新腔多半是誨淫誨盜致愚
民觀而感教升猿防閑潰裂作奸悖亂此根苗干天怒壞
尊小學齋集

詩餘

四

人心流毒貽殃釀成大劫何人曉如洪水如猛獸亂紛紛
誰司樂正尼山不料有今朝竊自撫舊頭顱把窟措大的
老頭巾一朝撇了偏撇不了的七寸三分帽初何敢覷然
人面向當場多方弄巧妄誇欲挽世風澆況我生動得咎
是非招說不盡怪怪奇奇捫心清夜千般懊說什麼屈宋
風騷說什麼應劉才調不堪回首歎無聊忙碌碌急煎煎
主人翁東扯西牽開塲應識收塲早願終身杜門思過菜
根咬回光照眼睜睜自求至寶何心再斬水中蛟失人身
萬劫難帶水拖泥神龍尾大將難掉生何來死何去黑漫
漫半生昏眊此中容易失釐毫且放下萬慮消一任他六

賊縱橫我只是照管宮中靜觀妙竅一杯水一爐香安排
鼎竈一腔心事托歌謠安得遇有心人提倡登高主張風
教領袖我潤色隆平長言舞蹈憂悄悄樂陶陶上下千秋
風行四海無人不識貶和褒並願得播絃管叶笙匏轉瞬
閒默化潛移同風一道卽是我區區志與人同善書生報
國此勤勞每日裏禱祀求願亂民聾瞶齊開卜得他悔

過投誠改頭換貌庶幾乎化暴爲良風移俗易依舊是清
平世界普天率土頌簫韶獨自念傷孤露感君親大恩未
報畢生恨事真難了思手澤愧頭銜虛聲純盜子懷渺渺
碧天寥戛孤負舊師友眼垂青樂育熏陶生平知遇逢多
尊小學齋集

詩餘

五

少只有把新院本當凱歌幹旋小補寸心聊當報瓊瑤我
本是田舍翁伏泥塗想當年荷笠荷蓑護良苗學得箇誅
茅鋤草到於今芸人田何時得了歸來好閒雲野鶴青山
有路任飄飄從此後意囂囂竿木隨身任呼牛馬浮名不
上香鈞釣且同來試觀場閒憑眺放開雙眼北望九天遙

江南鐵淚圖

江南被難情形較他省尤甚凡不忍見不忍聞之
事怵心劘日罄筆難書所謂鐵人見之亦當墮淚
也嗚呼事勢至此亦太慘矣苟有人心莫不感動
惟是救援水火 朝廷已興如雨之師撫卹瘡痍

上憲更盡分波之力而軍需支絀博濟爲難殷富
凋殘勸分非易況見聞之不及尤觸發而無從蒿
目梓桑傷心鳩鵲描摩一二用代告哀非敢別有
雌黃調弄筆墨也作江南鐵淚圖

逆燄鳴張生民塗炭

可恨跳梁小醜頻年擾亂江南生靈荼毒痛心酸約略成
匹過半到處情形慘酷丹青難畫難傳憑君鐵石作心
肝腸斷一聲河滿

羣凶淫掠玉石俱焚

陡覺天昏地暗驚看豕突狼奔崑岡烈火一朝焚我欲名
尊小學齋集

詩餘

六

言不忍 富貴賤貧一轍男婦老幼同倫老蒼辣手太無
情怕讀招魂天問

四野流離轉填溝壑

忽聽一聲賊到人人膽落魂銷家財萬貫願甘拋虎口餘
生暫休 隨處風食露宿誰憐梗斷蓬飄強顏乞食學吹
簫半作他鄉餓殍

江頭爭渡滅沒洪濤

滿眼干戈擾攘更從何處逃生江邊幸有渡船橫哀告長
年救命 無奈人多舟窄讓他捷足先登奮身相躍逐波
臣那管洪濤滾滾

白頭父母哭望兒孫

惡極毀巢取子衰年哭望頻頻其存其歿杳無音目斷天涯
鴈影 指望養兒防老誰知中道離分百年骸骨付何人
溝壑早拚老命

黃口孤兒哀尋父母

人世誰無父母生離最是傷心唳號載路不堪聞況復年
皆髻鬣 骨肉全家已散宗祧一綫猶存誰開大廈廣生
成慰彼九原痛恨

義民殺賊奮勇拚身

見說大營兵潰下游賊黨橫行義旂突起有鄉民義憤一
尊小學齋集

詩餘

七

腔決勝 白布纏頭爲號荷鋤執耒偕行相持數月苦支
撐長歎一聲糧盡

烈女完貞甘心碎首

正氣常留閨闔幾多烈女完貞拚將弱質抗刀礮一點染
污豈肯 憐我甘心玉碎須知一灰非輕松筠完節凜如
生鐵骨何愁白刃

華屋良田鞠爲茂草

彌望盡成焦土無非瓦礫荆榛良田華屋勢熏人回首不
堪再問 大廈連雲安在膏腴景象何存白頭遺老歎聲
聲屈指豪華一瞬

圖書古玩盡委泥沙

頃刻煙雲過眼傷心天地菁英圖書珠玉盡成塵爨下桐
焦孰問 幾輩名流青眼收藏如寶如珍漫言聲價值千
金心血半生堪恨

耕織之具坐困無聊

底事終朝束手生涯耕織全拋非關懶惰憚操勞耒耜紡
車蕩掃 買備苦無資本消磨白日無聊羨他抱布夏栽
苗百結愁腸似絞

賣男鬻女臨別牽衣

窮極更無可賣甘將兒女圖錢者番團聚更何年未免臨
算小學齋集

詩餘

八

歧戀戀 瞠目如呆如醉一腔別緒難言嬌癡不比在娘
邊還乞主人青眼

枵腹臨盆產嬰棄水

產育原爲喜事胡爲竟委清波怪他滅理更傷和中有苦
情難訴 腸斷兒兮薄命生偏值此干戈阿娘未識命如
何先向黃泉待我

負母逃生孝子避地

幾見龍鍾白髮有人背負逃奔拚將膂力盡平生道是生
身之本 金帛何須係戀最難捨者吾親有兒在此請寬
心感謝皇天侷命

攜孤覓食節婦呼天

一曲離鸞腸斷有兒正在垂髫強顏乞食爲宗祧未免琵琶別抱 哭說孤兒命苦生偏喪亂親遭望夫石畔聽呼號泣血呱呱誰保

草根挑盡樹皮剝光

怪底荒涼一片四鄉煙火多稀野無青草樹無皮殘喘苟延幸矣 大地已成焦土此間何處生機振錢給米望雲霓倘有仁人羣起

雪夜冰天炊亾枕藉

早日寒衣賣盡隆冬單袷難熬一朝雨雪忽飄觸目凍僵多少 挾纊殊恩難徧返魂幾輩能招何人送炭解金

尊小學齋集

詩餘

九

貂誰不感深再造

冲風冒雨泥水淋漓

最苦連朝風雨往來垢面蓬頭拖泥帶水少奔投破褐淋漓溼透 儘有舊家男婦堪憐蒙袂含羞風寒入骨病根畱爲告仁人知否

鵝面鳩形迎風倒斃

底事無端倒斃樹頭少女風微本來力弱不勝衣一跌竟成不起 只爲吞饑忍餓眞成力盡筋疲路人指點話戲歛我輩前車是矣

雞棲蝟縮牆角哀吟

鎮日餐風吸露夜來何處安居雞棲蝟縮凍難支廣厦庇
寒誰許此境壯夫難受況多弱骨孱軀漫言天地我遽
廬愁絕三夏風雨

人肉補劑破屋拆賣

仰屋空嗟窮餓阮囊苦乏分文終朝枵腹慘難禁當賣可
憐淨盡幸有敝廬無恙拆來且度朝昏誤他燕子舊巢
尋爲道主人重命

羅雀掘鼠人肉爭售

底事雲愁月慘民間又動兵戈殺人養命痛如何狼藉刀
尊小學齋集

詩餘

十

砧慘睹漫說狐悲兔死都成變相閻羅餓夫血肉本無
多能夠幾人腹果

蔓草荒煙虎狼日逼

方幸哀鴻日集那堪狼虎憑凌張牙跋扈勢克橫慘聽四
呼救命自被賊徒敲剝幾多膏血餘存石壕有吏夜追
人知否民窮財盡

恩詔頻頒萬民感泣

聖德如天浩浩騰黃傳到溫綸東南赤子久沈淪勞我
九重垂厪洞悉倒懸情勢深宮齋禱頻仍心脾酸楚

感皇恩轉覺淚珠滾滾

憲仁撫卹行路涕零

不是 王師如雨伊誰慰我蒼生散財發粟濟饑貧所至
歡呼慶幸 合志共扶大局相期全活斯人勞來安集體
皇仁都道民爲邦本

水火出離重見天日

一霎雲消霧散依然天日重明十年淪陷話酸辛今日方
才有命 憐我千磨百折嗤他敗北肯奔從今歌咏樂昇
平錦繡江山再整

脅從遣散各返家鄉

除卻巨魁元惡餘皆咸與維新但能改過卽良民安穩各
尊小學齋集

詩餘

十一

還鄉井 提出天羅地網感吾將帥寬仁玉關生入瓣香
焚共祝公侯福命

牛種有備惠及耕夫

粒食善謀全局萊蕪頓闢崇朝多方補助護良苗非種誅
鋤已早 好趁一犁春雨催耕布穀無勞西成轉盼慶豐
饒祇有正供仰報

機杼代謀歡騰織婦

但得機絲有賴何愁日斷炊煙朝朝抱布見青錢活命全
叩恩憲 久矣姬姜憔悴頓看喜上眉尖買絲爭欲繡平
原粧閣心香一點

創鉅痛深前車共凜

歷盡千磨百折傷心滿目哀鴻試看千里血流紅痛定夏
應思痛 大劫由人自召幾人清夜捫衷魚方漏網鳥驚
弓覆轍多應心動

恐懼修省劫海同超

劫海風狂浪湧幾人彼岸同登天心可轉看人心未傻自
誇本領 危矣釜魚幕燕凜哉虎尾春冰焚香省過夜三
夏曾否黃梁夢醒

鄉約重興宏宣教化

不教終淪禽獸由來世教堪憂煌煌 聖諭溯源頭無

算小學齋集

詩餘

奈具文已久 天道昭彰可畏人心悔過能不潛移默化
釜薪抽化俗全憑善誘

樂章再正共慶昇平

一曲梨園釀亂厲階若箇推詳誨淫誨盜禍包藏化俗捷
於影響 說法何人頭點圓橋萬眾觀場好教鞠部換新
腔繪出 中興氣象

新法化命全憑此訣

樂享再正其處昇平

曲梨園釀亂馬

承影響 說法保

腔繪出

中興



海濱盜禍包藏他處

觀場好效鞠